

## आकाशवाणी

## खास-खास खबरां:-

- प्रधानमंत्री नरेन्द्र मोदी होरें आखेया जे आर्थिक सर्वेक्षण एह दस्सदा ऐ जे वैश्विक चुनौतियें दे बावजूद भारत दी सुधार एक्सप्रेस सेई दिशा च ऐ।
- भारत दा नवाचार सूचकांक बरे 2019 च 66मीं थाहर दे मुकाबले 2025 च 38मीं थाहर पर आई गेया।
- विश्व बैंक दे अध्यक्ष अजय बंगा होरें आखेया जे भारत नै दस्सी दिता ऐ जे ओह असाधारण वृद्धि करी सकदा ऐ।
- दिल्ली सरकार नै ट्रांस यमुना क्षेत्र दे तेज विकास आस्तै 728 करोड़ रपे दी योजनाएं गी मंजूरी दिती।
- यूरोपीय संघ नै ईरान च चला रदे देश-व्यापी आंदोलन पर कीती गेदी कारवाई मगरा- ईरान दे इस्लामिक रिबोल्यूशनरी गार्ड कोर गी आतंकी संगठन घोषित करी दिता ऐ।
- महिला प्रीमियर लीग डब्ल्यू.पी.एल. क्रिकेट च आर.सी.बी. नै यू.पी. वारियर्स गी 8 विकेटें कन्नै हराया। कल राती एह मैच वडोदरा अंतराष्ट्रीय क्रिकेट स्टेडियम च होआ।



## PM -Economic Survey

प्रधानमंत्री नरेन्द्र मोदी होरें आखेया जे भारत दी तेजी कन्नै बददी रिफॉर्म एक्सप्रेस वैश्विक चुनौतियें दे बावजूद सेई दिशा च ऐ। सोशल मीडिया पोस्ट च श्री मोदी होरें आखेया जे संसद च कल प्रस्तुत आर्थिक सर्वेक्षण दर्शान्दा ऐ जे भारत दी रिफॉर्म एक्सप्रेस पूरे लय कन्नै अगगे बदा र दी ऐ। प्रधानमंत्री होरें आखेया जे आर्थिक सर्वेक्षण भारत दी आर्थिक नीहू दी ताकत ते विकास, नवाचार ते समावेशी वृद्धि गी अगगे बदाने आस्तै सरकार दे लगातार जतने गी दर्शान्दा ऐ।

उने जोर देईऐ आखेया ऐ जे पिच्छले किष बरे सोयां होआ र दे सतत सुधारें अर्थव्यवस्था गी मजबूती प्रदान कीती ऐ ते निवेशकें, बपार ते नागरिकें च भरोसा कायम कीता ऐ।

मोदी होरें आक्खेआ जे एह सर्वेक्षण मजबूत व्यापक आर्थिक आधारभूत सिद्धांतें, निरंतर विकास दी गति ते राष्ट्र निर्माण च नवाचार, उद्यमिता ते ढांचे दी बददी भूमिका गी दर्शान्दा ऐ।

<><><><><><>

### PM -Beating Retreat

प्रधानमंत्री नरेंद्र मोदी होरें इस बरे दे “बीटिंग-रिट्रीट” कार्यक्रम गी यादगार दस्सेआ ऐ। सोशल मीडिया पर पोस्ट च प्रधानमंत्री होरें “बीटिंग-रिट्रीट” दी झलकियाँ सांझा करदे होई आक्खेआ जे सेना दे बेंड आस्सेआ प्रस्तुत कीतियां गेदियां पेशाकरियां बेहतरिन हियाँ। उनें आक्खेआ जे ऑपरेशन सिंदूर, वंदे मातरम दे 150 बरे, भारतीय महिलाएं दी क्रिकेट च जीत ते अश्विनी ड्रोन, भैरव बटालियन ते प्राचीन 'गरुड ब्यूह' युद्ध दी प्रस्तुतियाँ शानदार हियां। मोदी होरें “बीटिंग-रिट्रीट” च केंद्रीय सशस्त्र पुलिस बलें दे बेंडें आस्सेआ पेश विविध कार्यक्रमें दी बी सराहना कीती। उने आक्खेआ जे उन्दी धुनां जीवंत हियां ते साहडे राष्ट्र दी राखी करने आहले प्रति गौरव दी भावना गी दर्शान्दियां हियां।

<><><><><><>

### India Innovation Index

आर्थिक सर्वेक्षण च आक्खेआ गेआ ऐ जे भारत दे नवाचार पारिस्थितिकी तंत्र च पिच्छले किश बरें च मजबूत ते स्थिर प्रगति होई ऐ- जिस करी मुख्य दा वैश्विक नवाचार सूचकांक वरे 2019 च 66मीं थाहर दे मुकाबले 2025 च 38मीं थाहर पर आई गया ऐ।

सर्वेक्षण च इस गल्ला दा बी जिक्र कीता गेआ ऐ जे विनिर्माण, अनुसंधान, स्टार्ट-अप ते प्रौद्योगिकी दे क्षेत्र च सरकारी पैहल नै भारत गी नवाचार ते औद्योगिक विकास दे इक उभरदे वैश्विक केंद्र दे तौर पर विकसित होने च कियां मदद कीती ऐ।

<><><><><><>

### World Bank President

विश्व बैंक दे अध्यक्ष अजय बंगा होरें आक्खेआ ऐ जे भारत नै दस्सी दिता ऐ जे ओह असाधारण वृद्धि करी सकदा ऐ। भुवनेश्वर च मीडिया कन्नै गल्लबात करदे होई उने आक्खेआ जे भारत आर्थिके सर्वेक्षण च अनुमानित विकास दर गी यकीनी तौर पर हासिल करोग।

बंगा होरें आक्खेआ जे पिच्छले 10 बरे च भारत च होए दे निवेश दा स्तर सराहनीय ऐ। श्री बंगा होरें आक्खेआ जे 2047 तक विकसित भारत दे लक्ष्य गी हासलि करने आस्तै भारत च लोकें गी कौशल सिखलाई प्रदान करना महत्वपूर्ण होगा। उनें आक्खेआ जे हर बरे इक करोड़ 20 लख युवा रोजगार आस्तै तैयार होआ र दे ना जेकर उनें गी सेई तरीके कन्नै कौशल दी सिखलाई दिती जा- तां उनें गी राज्य, शहर, गांव, कस्बे ते विदेशें च कम्म करने दा मौका थहोई सकदा ऐ।

<><><><><><>

## Delhi Trans Yamuna Development

दिल्ली सरकार नै राष्ट्रीय राजधानी दे ट्रांस-यमुना क्षेत्र दे तेज विकास आस्तै 728 करोड़ रुपे दी योजनाएं गी मंजूरी दिती। बजट आवंटन दी घोषणा मुख्यमंत्री रेखा गुप्ता होरें ट्रांस-यमुना क्षेत्र विकास बोर्ड दी बैठक दौरान कीती। बैठक च मुख्मंत्री होरें आक्खेआ जे ट्रांस-यमुना क्षेत्र दे विकास आस्तै रुपे पैसे दी कमी नेंई होगा। उनें बोर्ड दे सदस्यें गी जरूरत मूजब योजनाएं गी तरजीह देने दा निर्देश बी दिता।

मुख्मंत्री होरें आक्खेआ जे ट्रांस-यमुना क्षेत्र दा विकास दिल्ली सरकार दी सर्वोच्च प्राथमिकताएं चा इक ऐ। उनें आक्खेआ जे दिल्ली सरकार नागरिकें दी बुनियादी जरूरतें जियां सड़क, जल निकासी बवस्था, जलभराव दी समस्या दा हल ते सुरक्षित परिवहन यकीनी करने गी तरजीह देआ र दी ऐ। ट्रांस-यमुना विकास बोर्ड दे अध्यक्ष अरविंदर सिंह लवली होरें मुख्मंत्री हुन्दे प्रति आभार जाहिर करदे होई आक्खेआ जे क्षेत्र दे विकास आस्तै सारे विधानसभा सदस्यें आस्सेआ पेश किते गेदे प्रस्ताव महत्वपूर्ण ना।

<><><><><><>

## EU -IRGC

यूरोपीय संघ ईरान च चला र दे देशव्यापी आंदोलन पर कीती गेदी कार्रवाई मगरा ईरान दे इस्लामिक रिवोल्युशनरी गार्ड कोर-आई.आर.जी.सी गी आतंकवादी संगठन घोषित करी दिता ऐ। यूरोपीय संघ दी विदेश नीति प्रमुख काजा कल्लास होरें आक्खेआ जे विदेश मंत्रियें सर्वसम्मति कन्नै इस घोषणा पर सहमति जताई।

उने आक्खेआ जे कोई बी सत्ता जेडी अपने गै हजारां ब्ददे लोकें दी हत्या करदी ऐ, ओहू अपने गै पतन आहली पेठा बददी ऐ। कल्लास होरें आक्खेआ जे इसदे कन्ने ओहू अल-कायदा, ह्मास ते दाएश दी श्रेणी च आई जाडन। 27 देशें दे इस समूह नै प्रदर्शनकारियें पर कीती गेदी हिंसक कार्रवाई आस्तै रिवोल्यूशनरी गार्ड दे शीर्ष कमांडरें सनें 15 ईरानी अधिकारियें पर भी प्रतिबंध लाए न।

<><><><><><>

### Delhi Traffic Advisory

शहीद दिवस दे मौके पर राजघाट पर आयोजित होने आहले इक आधिकारिक कार्यक्रम दे मद्देनजर अज्ज मध्य दिल्ली दे किश हिस्सें च यातायात प्रतिबंध ते रस्ते च बदलाव लागू रौहडन। दिल्ली यातायात पुलिस नै इक सलाह च आक्खेआ ऐ जे एह कार्यक्रम राजघाट स्थित महात्मा गांधी स्मृति स्थल पर आयोजित होग और इसदे च केई मन्ने परमन्ने दे लोकें दे हिस्सा लैने दी मेद ऐ। जिस करी क्षेत्र च व्यापक सुरक्षा ते यातायात व्यवस्था कीती गई ऐ। जिने थाहरें पर यातायात दे रस्ते च बदलाव कीता जाई सकदा ऐ

<><><><><><>

### Cricket WPL

महिला प्रीमियर लीग-डब्ल्यू,पी.एल क्रिकेट च कप्तान स्मृति मंधाना ते ग्रेस हैरिस दी 108 रन दी सलामी साझेदारी दी बदौलत रॉयल चैलेंजर्स बेंगलुरु नै यूपी वॉरियर्स गी 8 विकेट कन्ने हराई दिता। यूपी वॉरियर्स दे 144 रन दे लक्ष्य दे परते च बेंगलुरु नै छड्े 13 ओवर इक गेंद च 147 रन बनाईऐ मुकाबला जीती लैता। ग्रेस हैरिस नै 37 गेंदे च 75 रन दी तूफानी पारी खेडी उत्थें गै स्मृति मंधाना नै 27 गेंद पर नाबाद 54 रन बनाए। यूपी वॉरियर्स आस्सेआ शिखा पांडे ते आशा शोभना जाँय नै इक-इक विकेट लैता। इसदे थ्वां पैहले यूपी वॉरियर्स नै तय 20 ओवर च 8 विकेट मुहाईए 143 रन बनाए। ग्रेस हैरिस गी “प्लेयर ऑफ द मैच” चुना गया। अज्ज गुजरात जायंट्स दा मुकाबला मुंबई इंडियंस कन्ने गुजरात दे कोटंबी स्थित वडोदरा अंतरराष्ट्रीय क्रिकेट स्टेडियम च होग। मैच संजा 7.30 बजे शुरू होग

<><><><><><>

## IMD Weather

मौसम विभाग नै अज्ज दिल्ली, पंजाब, हरियाणा, चंडीगढ़ ते उत्तर-प्रदेश च घना कोहरा छाए रौहने दा अनुमान जाहिर कीता ऐ। दिल्ली, पंजाब, हरियाणा ते चंडीगढ़ दे किश हिस्सें च दिन भर शीतलहर चलने दी संभावना ऐ। विभाग नै बिहार, छत्तीसगढ़, हिमाचल प्रदेश, ओडिशा ते राजस्थान च बी घना कोहरा छाए रौहने दी मेद जाहिर कीती ऐ। पश्चिम बंगाल, सिक्किम, उत्तराखंड ते पश्चिमी मध्य-प्रदेश च बी इय्यै स्थिति रौहने दी मेद ऐ।

<><><><><><>

## SAIL Certificate

भारत दी सब्बने थवा बड़ी सार्वजनिक क्षेत्र दी इस्पात निर्माता कंपनियें चा इक, स्टील अथॉरिटी ऑफ इंडिया लिमिटेड-सेल गी फरवरी 2026-2027 दी अवधि आस्तै प्रतिष्ठित 'ग्रेट प्लेस टू वर्क' प्रमाण-पत्र हासिल होआ ऐ। इस्पात मंत्रालय नै दस्सेआ ऐ जे 'ग्रेट प्लेस टू वर्क इंस्टीट्यूट ऑफ इंडिया' आस्सेआ कीते गेदे व्यापक मूल्यांकन मगरा कंपनी गी लगातार त्री बारी एह प्रमाण-पत्र हासिल होआ ऐ।

मंत्रालय नै आक्खेआ ऐ जे सेल अपने कर्मचारियें गी पेशेवर ते व्यक्तिगत विकास कन्नै जुड़ी दी कार्यस्थल संस्कृति गी बढ़ावा दिन्दा ऐ। इस मौके पर सेल दे अध्यक्ष अमरेंदु प्रकाश होरें आक्खेआ जे एह प्रमाण-पत्र हासिल करना संगठन आस्तै मानै आली गल्ल ऐ।

<><><><><><>